

廣陵醫籍叢刊

庫陵醫籍
叢刊

耿陸庭主編

笛子起登



脈理會參

氣

刻

圖

替

烟鑒

卷

影印抄本《脈理會參》序

脈理會參者，康熙間歙縣余之傷抑庵氏所著。凡二卷，上卷爲四脈統領及二十八脈詳辭，仍依傳統脈訣加以整理補充，并作注解；下卷爲脈法備錄，提出若干專題加以討論，一依臨症經驗爲准。

余氏原爲歙縣之世醫。乃翁子敬先生斷症甚精，人稱譽爲明見隔垣。傳至抑庵，術更精，效更著。抑庵之子林發，又能世其家，將會參付之梨棗。惜所印無多，傳本絕少。

當明末清初，河山易幟之際，慘遭揚州十日，揚地名醫，死難者甚多。其列於史志者，即有揚州府

志名宦志史可法傳附載之陳天拔等人。順治初，揚州之醫學，一時有中斷之勢。幸賴徽州之醫家相繼來揚。與當時避出揚城幸免於難之醫家相交流，其學遂又彰顯。爾後，亦有本身雖未移揚行醫，而其著作能廣傳於揚者如本書，亦對吾揚醫學影響頗巨。此爲治鄉邦醫史者所宜識之者。

初，此書尚未付梓之時，揚地已廣爲抄傳。學醫者每錄以誦讀。蓋其內容實較原傳諸種脈訣爲優。然因展轉傳抄，筆誤亦在所難免。

敝宗故里原在魯之東阿，乾隆間，遷揚始祖樹初公因家鄉水患，避地揚州。公原知醫，遂以種花蓄

藥入江都民籍而家焉。吾高祖曾祖，多與揚徽之名醫遊，誼在師友之間。至伯祖光奇公，先後拜徽醫鮑方珍先生、揚醫唐楚珍先生爲師。兩公名振當時，同出一源，爲先伯祖取道名爲世珍，蓋揚俗道名末字，必與師名相同。

先伯祖初入鮑氏之室，師即命抄誦此書，伯祖幼擬應試，故書法有素，後以師事吳讓之先生，則書體又爲之一變。此本猶當時抄誦之原件，曾經兵燹，首尾均有散失。先君蕉麓公復借他本倩人補全。其序跋則先君所自錄也。今爲影印，以廣其傳。然其中包括徽揚學術交流及兩地醫家師弟之誼，與吾祖、

父兩輩之手澤。整理既竟，因書其授受始末以綴其端。更錄原書吳序之語，以殿序末。『弗私爲一家之秘，而願與知道者共昌明之。』方今吾道式微，欲求綿遠，其在斯乎。

第七十八甲子癸亥之夏揚州耿鑒庭序於北京

圓明園故址之南 時年六十又九

伊川之言易也。曰其理則謂之道。其用則謂之神。夫
道不可見而理推之。神不可知而用顯之。微乎微乎。
其斯為化育之功乎。嘗訪余子籲三於松門山中。與
聞性命之學。於軒岐精奧。心有所獨得。雖翱翔千仞。
其活人濟世之念。時若所不及。四方實受其福。嘗怪
夫世之貿貿者。依稀彷彿。輒取試於人。而為害莫知。
此脈理會參之所由作。廣父祖之傳。以集其成也。今
余子觀化以往幾季矣。游方之外者。不待生而存。將

冥冥之際。與造物表裏。其為用不妄神乎。予嬰疾。久
賴保全以生者。令子林蕢。與吾邑汪廣期。廣期要予
學僊。而未果於行。二君不離家法。妙手霸心。一時地
上行僊。予乃暫得敬佚其間。不他問長生訣。然自是
而生生無涯也。

康熙己亥四月望前一日休寧金偉序

善覘國者。不以城郭甲兵。謀臣策士。而察人心之向背。究倫理之從違。則國之興亡。以決。善覘病者。不以形貌肥瘠。飲食豐耗。而審精神之聚散。辨脈候之疑促。則病之生死。以明。善微乎微乎。非淺率者所能善也。願世之族醫。曷嘗不言脈理乎。存其名而不窮其實。無論變動之神。毫芒之析。即三部九候。尚有未暇體勘者。豈有他哉。所授受者。只此鹵莽之術。而故方之不能舍也。余君抑庵。賦性純靜。而學有淵源深體。

生物之心而不為求信之術。故於氣化代謝消息盈
虛之理莫不精義入神。凡人之以疾來謁者。不炫長
不示異。詳審周密。必得其病之所由來。推其弊之所
必至。是以有貫蟲之能。而無弩末之失。亦非有他術
也。氣調而心細。合乎古人靜虛為保之道也。周子曰。
靜虛則明。明則通。可以作聖。而況於醫。然君又豈以
億中乎。承屢葉之庭訓。而多讀古人之書。神而明之。
亦在乎脈理之中而已。古人之論甚詳矣。族醫罔聞。

奈之何哉。予交君之三世。尊公子敬先生。明見隔垣。補造化之所不逮。君服膺家學。著述等身。不敢自足。惟是脈理之論。將欲砭疾者之膏肓。必先開醫者之茅塞。不惜反覆而詳辯之。以救世也。嗣君林蕝弗私為一家之秘。而願與知道者共昌明之。斯謂仁心為質者矣。夫岐黃往矣。而其書能生千萬世之人。雖謂岐黃至今存可也。

康熙六十有年。仲秋。此溪吳松序。

脉理會參目次

四脉統領

浮脉

統洪虛散
濡微草七脉

遲脉

統濡結代
緩四脉

二十八脉詳辨

浮脉

洪脉

散脉

芤脉

微脉

革脉

沉脉

統伏牢實
弱細五脉

數脉

統滑紫促動疾
附弦長短三脉

虛脉

濡脉

沉脉

伏脉

牢脉

實脉

弱脉

細脉

遲脉

濇脉

緩脉

結脉

代脉

數脉

滑脉

緊脉

促脉

動脉

疾脉

弦脉

長脉

短脉

脉法備詳

婦人脉

諸病宜忌脉

脉合形性

脉分病期

脉嫌先見

陰陽亢制

六經脉

神門脉

小兒脉

男女脉異

脉分五臟

脉忌無根

陰陽相乘

重陰重陽

上魚脉

衝陽脉

怪脉
即死脉

老少脉異

脉分四方

脉貴有神

陰陽相伏

脫陰脫陽

胃氣脉

太溪脉

奇經八脉

三焦

人迎氣口

五臟平脉

五臟病脉

五臟死脉

七診

分配臟腑陰陽

分析臟腑陰陽

推法

决死生

診脉初知

持脉論

脉理會參卷上

古歛余之雋抑庵氏著

四脉統領

脉象二十有八，統貫於浮沉遲數四脉，故以此四脉為諸脉之綱領，而以諸脉分貫於四脉之下，不獨條理分明，使學者便於誦習，且兼二脉三脉，以取一脉，而此一脉始極真確，而無模糊疑似之弊。逐項脉下，又詳註脉形，畧註主病，如振衣挈領，而全衣已俱在握，辭簡意該，真診家正的也。